


詩所

五言古詩

漢書門			
類	號	函	架
一	二	三	四
七	七	八	二
冊	冊	冊	冊

內閣文庫			
類	號	冊	架
一	二	三	三
七	四	九	九
冊	冊	冊	冊



三十九之四十二

內閣文庫	
番號	漢 11117
冊數	24 (21)
函號	319 128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



業第 二十九卷

五言古詩

漢蔡邕

庭隙一作翠鳥

漢蔡邕

有若榴綠葉含丹榮翠鳥時來集振翼修形

容回顧生碧色動搖揚縹青幸脫虞人機得親君子庭

馴心托君素雌雄保百齡



雙鶴俱遨遊相失東海傍雄飛竄北朔雌驚赴南湘棄

我交頸歡離別各異方不惜萬里道但恐天網張

射鳶

劉楨

鳴鳶弄雙翼飄飄薄青雲我后橫怒起意氣凌神仙發



機如驚焱三發兩鳶連流血灑牆屋飛毛從風旋庶士
同聲贊君射一何妍

鳳

晉棗據

有鳳適南中終日無歡娛自怨梧桐遠行飛棲桑榆奮
迅振長翼俛仰向天衢簫韶逝無聞朝陽不可須

駿

劉恢

東臯有一駿名曰千金駒絡首纏駿尾養以甘露芻

鸞鳥

序曰昔劉賓王結且峻卯之山獲一鸞鳥王甚愛之欲其鳴而不致也乃飾以金樊饗以珍羞對之愈戚三年不鳴其夫人曰嘗聞鳥見其類而後鳴何不懸鏡以映之王從其意鸞春形悲鳴哀響冲霄一奮而絕嗟乎茲禽何情之深昔終子破琴於百牙匠石齧斤於郢人蓋悲

其妙賞之不存慨神質於當年耳矧乃一舉而殞其身者哉悲夫乃為詩曰

神鸞棲高梧爰翔霄漢際軒翼颺輕風清響中天厲外

患難預謀高羅掩逸勢明鏡懸高堂顧影悲同契一激

九宵音響流形已斃

歸鴻

顏延之

昧旦濡和風霑露踐朝暉萬有皆同春鴻鴈獨辭歸相
鳴去澗汜長引發江畿皦潔登雲侶連綿千里飛長懷

河朔路緬與湘漢違

詠雙鸞

鮑照

五言古詩

卷三十一

雙燕戲雲崖羽翰一作始差池出入南閨裏經過北堂

睡意欲巢君幕層楹不可窺沈吟芳歲晚徘徊韶景移

悲歌辭舊愛銜淚覓新知

可憐雲中燕旦去暮來歸自知羽翅弱不與鵠爭飛寄

聲謝飛鵠往事子毛衣瑣心誠貧薄叵吝節榮衰陰山

饒苦霧危節多勁威豈但避霜雪當一作傲野人機

詠螺蚌

謝惠連

輕羽不高翔自用弦網羅纖鱗惑芳餌故為釣所加螺蚌非有心沈迹在泥沙文無雕飾用味非鼎俎和

群鶴詠

齊高帝

八風儻遙翮九野弄清音一摧雲間志為君苑中禽

詠鷓鴣

謝朓

薰草含初芳瑤池暖晚色得則鴻鸞影晞光弄羽翼

登板橋詠洲中獨鶴

梁簡文帝

遠霧日氛氳單飛纔可分孤鷺宿一作嶼浦羈唳下江

瀆意惑東西水心迷四面雲誰知獨辛苦江上念離群

賦得舞鶴

來自芝田遠飛度武溪深振迅依吳市差池逐晉琴奇

一作聲傳迴澗動翅拂花林欲知情外物伊洛有清潄

詠燕

一作吳均題云贈杜容成

五言古詩 卷三十一
一燕海上來一燕高堂息一朝相逢遇依然舊相一作所

識問余一作我來何遲山川幾紆直答言海路長風駛一作

多飛無力昔別縫羅衣春風初入帷今來夏欲晚桑扈

一作蛾薄樹飛

奉和

庾肩吾

可憐幕上燕差池弄羽衣夜夜同巢宿朝朝相對飛銜

泥瞻樂善相賀奉英徽秋蟬行寂寞戀此未辭歸

新燕

一作昭明太子

簡文帝

新禽應節歸俱向吹樓飛入簾驚劍響來窓礙舞衣

詠飛來鷓鴣

飛從何處來似出上林隈口銜長生葉翅染昆明苔

詠寒鳧

迴水浮輕浪沙場弄羽衣眇眇隨山沒離離傍海飛

詠單鳧

銜苔入淺水刷羽向沙洲孤飛本欲去得影更淹留

繫馬

青驪沈赭汗綠地懸花蹄未垂青鞵尾猶掛紫障泥蹠
足絆中憤搖頭櫪上嘶紫關如未息直去取榆溪

西齋行馬

晨風白金絡桃花紫玉珂影斜鞭照曜塵起足蹉跎任

俠稱六輔輕薄出三河風吹鳳凰袖日映織成靴遠江
艦舳少遙山煙霧多雲開瑪瑙葉水淨琉璃波廣路拂
青柳迴塘繞碧莎不效孫吳術寧須趙李過

詠蛺蝶

空園暮煙起逍遙獨未歸翠鬣藏高柳紅蓮拂水衣復
此從風蝶雙雙花上飛寄與相知者同心終莫違

蜂

逐風從泛漾照日乍依微知君不留眄銜花空自飛

詠螢

本將秋草并今與夕風輕騰空類星實拂樹若花生屏

疑神火照簾似夜珠明逢君拾光彩不恡此身傾

奉和

元帝

著人疑不熱集草訝無煙到來燈下暗翻徃雨中然

聽早蟬

簡文帝

草歇鶖鳴初蟬思花落後乍飲三危露時蔭五官柳莊
書晒鵬翼衛賦宜螭首桂樹可淹留勿謂山中久

後園看騎馬

元帝

良馬出蘭池連翩驅桂枝鳴珂隨跼駛輕塵逐影移香
來知驟近汗斂覺風吹遙望黃金絡懸識幽并兒

落日射雉

促宴引枚鄒中園觀獸侯日度朔陰廣風橫旗影浮移
竿標入箭疊鼓送爭籌附枝時可息言從清夜遊

詠鵲

武陵王紀

欲避新枝滑還向故巢飛今朝聽聲喜家信必應歸

主人池前鶴

吳均

本自乘軒者爲君階下禽摧藏多好貌清唳有奇音稻
梁惠旣重華池遇亦深懷恩未忍去非無江海心

和新浦侯詠鶴

江洪

閒園有孤鶴摧藏信可憐寧望春臯下刷羽翫花鈿何
時秋海上照影弄長川曉鳴動遙怨夕唳感孀眠哀咽

芳林右憫默華池邊猶冀凌雲志萬里共翩翩

詠湖中鴈

沈約

白水滿春塘旅鴈每迴翔唼流牽弱藻斂翮帶餘霜羣
浮動輕浪單汎逐孤光懸飛竟不下亂起未成行刷羽
同搖漾一舉還故鄉

賦得始歸鴈

劉孝綽

洞庭春水綠衡陽旅鴈歸差池高復下欲向龍門飛

夜聽鴈

蕭子範

天月廣庭輝遊鴈犯霜飛連翩辭朔氣嘹唳獨南歸夜
長寒復靜燈光暖欲微悽悽不可聽何況觸愁機

望樓鳥

劉孝威

夕鳥一作鳥飛參差單雄雜寡雌聯翩歸葉裡出沒噪林
垂爭棲時易樹驚飛忽度枝雖無繫書重亦有含纓疲
以茲憔悴力重逢輕薄兒珠丸蘇合彈金繳青絲縻豈
意翩翩羽遂免更羸危入懷欣得地依林竊願知

詠簷燕

庾肩吾

雙燕集蘭閨雙飛高復低向戶疑新箔登巢識故泥依
欄本相賀近幕願同棲

詠反舌

侍宴作

沈約

假容不足觀遺音猶可薦幸蒙喬樹恩得以聞高殿

詠百舌

劉孝綽

山人惜春暮旭日坐花林復值懷春鳥枝間弄好音遷
喬聲迴出赴谷響幽深下聽長而短時聞絕復尋孤鳴
若無對百轉似羣吟昔聞屢歡昔今聽忽悲今聽聞非
殊異遲暮獨傷心

詠雀

沈約

肌薄少滋腴色淺非丹翠不懼越王羞寧懷秦后珥傍
簷葺寒草循場啄餘穗且欣大厦成焉須鴻鵠志

詠白鷗兼嘲別者

何遜

可憐雙白鷗朝夕水上遊一作浮何言異棲息雌住雄不

留孤飛出激浦獨宿下滄洲東西從此別影響絕無由

石塘瀨聽猿

沈約

噉噉夜猿鳴溶溶晨霧合不知聲遠近惟見山重沓既
歡東嶺唱復佇西巖答

詠躍魚

應詔一作張騫

張率

戢鱗隱繁藻頰首承淥漪何用遊溟澥且躍天淵池

詠素蝶

劉孝綽

隨蜂遶綠蕙避雀隱青薇映日忽爭起因風乍共歸出
沒花中見參差葉際飛芳華幸勿謝嘉樹欲相依

賦得蝶依草

應令

徐防

秋園花落盡芳菊數來歸那知不夢作眠覺也怕飛

月中飛螢

紀少瑜

遠度時依幕斜來如畏牕向月光還盡臨池影更雙

詠螢火

沈旋

火中變腐草明滅靡恒調雨墜弗虧光陽昇反奪照泊
樹類奔星集草疑餘燎望之如可灼攬之徒有耀

聽蟬鳴

應詔

沈約

輕生宅園籩復得棲嘉樹豈敢擅洪枝輕條遭所遇葉
密形易揚風迴響難住

後堂聽蟬

蕭子範

試逐微風遠聊隨夏葉繁輕飛避楚雀飲露入吳園流
音繞叢藿餘響切高軒借問邊城客傷情寧可言

同陸廷尉驚早蟬

沈君攸

日暮野風生林蟬候節鳴望枝疑數處尋空定一聲地
幽吟不斷葉動噪群驚獨有河陽令偏嫌秋翅輕

詠早蟬

范雲

生隨春冰薄質與秋塵輕端綏挹霄液飛音承露清

賦得蟬

褚澧

避雀芳一作喬枝裏飛空華殿曲天寒響屢嘶日暮聲愈
促繁吟如欲盡長韻還相續飲露非表清輕身易知足

孤燕詩

王氏

昔年無偶去今春猶獨歸故人恩義一作既重不忍復雙

飛

聽百舌

劉氏

徐排妻

庭樹日新晴臨鏡出雕楹風吹桃李氣過傳一作傳過春鳥
聲淨寫山陽笛全作洛濱笙注意歡留聽誤令粧不成

賦得威鳳棲梧

陳張正見

丹山下威鳳來集帝梧中欲舞春花落將飛秋葉空影
照龍門水聲入洞庭風別有將雛曲翻更合絲桐

詠鶴

陰鏗

五言古詩 卷三十九
依池屢獨舞對影或孤鳴乍動軒墀步時轉入琴聲

於長安詠鴈 一作便信

周弘正

南思洞庭水北想鴈門關稻梁俱可戀飛去復飛還

射雉

蕭有

二月春暈動曹王挾妬媒插翳依花合芟場向野開隔
田聞雉近橫溪見影來弦明青壓碎箭落錦衣摧今日
如臯路能將巧笑廻

鬪鷄

徐陵

李子聊爲戲陳王欲騁才花冠已衝力芥爪復驚媒鬪
鳳羞衣錦雙鸞耻鏡臺陳倉若有信爲覓寶雞來

詠老敗鬪雞

周弘正

少壯摧雄敵眄視生猜忌一隨年月衰摧頽落毛駛閒
觀春光滿東郊草色異無復先鳴力空餘擅場意

詠銜泥雙燕

蕭詮

銜泥金屋外表瑞玉筐中學飛疑漢妾巢幕憚吳宮爪
截還猶短窠成新尚空詎竝零陵石飛舞逐春風

長安聽百舌

韋鼎

萬里風烟異一鳥忽相驚那能對遠客還作故鄉聲

賦得馬

劉刪

獨飲臨寒窟離羣思北風陳王欲觀舞御史自隨驄邊

聲墮客淚果下益桃紅恒持沛艾影解向平陵東

詠老馬

沈炯

昔日從戎陣流汗幾東西一日馳千里三丈拔深泥渡
水頻傷骨翻霜屢損蹄勿言年齒暮尋途尚不迷

賦得夜猿啼

蕭詮

桂月影才通猿啼迴入風隔巖還嘯侶臨潭自響空挂
藤疑欲飲吟枝似避弓別有三聲淚霑裳竟不窮

賦得蓮下游魚

阮卓

春色映澄陂涵泳且相隨未上龍門路聊戲芙蓉池觸
浪蓮香動乘流葉影披相忘自有樂莊惠豈能知

照帙秋螢

陽縉

秋牕餘照盡入暗早螢來忽聚還同色恒然詎落灰飛
影黃金散依帷縹帙開含明終一作自不息夜月空徘徊

賦得秋蟬唱柳

應衡陽王教唱一作咽

張正見

秋鴈寫一作氣爽遙天園柳集驚蟬競噪長枝裏爭飛落木
前風高知響急樹近覺聲連長楊流唱盡詎識蔡邕弦

詠蟬

江總

白露涼風吹朱明落照移鳴條噪林柳流響遍臺池村
聲如易得尋忽却難知

前題

劉刪

聲流上林苑影入守臣冠得飲玄天露何辭高柳寒

詠花蝶

北魏温子昇

素蝶向林飛紅花逐風散花蝶俱不息紅素還相亂芬
芳共襲手葳蕤從可玩不慰行客心遽動離居歎

看柳上鵲

北齊魏收

背歲心能識登春巢自成立枯隨雨霽依枝須月明疑
是雕籠出當由抵玉驚間關拂條軟迴復振毛輕何獨
離婁意傍人但未聽

詠龜詩

趙儒宗

有靈堪託夢無心解自謀不能著下伏強從蓮上遊負

圖非所冀支牀空見留儻蒙一曳尾當為屢回頭

詠鴈

周王褒

伺潮聞曙響妬壟有春暈豈若雲中鴈秋時塞外歸河
長猶可涉海濶故難飛霜多聲轉急風踈行屢稀園池
若可至不復怯虞機

賦得集池鴈

庾信

逢風時迴度逐侶乍爭飛猶憶方塘水今秋已復歸

鬪雞

王褒

蹶蹠始橫行意氣欲相傾妬敵金芒起猜群芥粉生入
場疑挑戰逐退似追兵誰知函谷下人去獨開城

前題

庾信

開正望平子驟馬看陳王狸膏燻鬪敵芥粉塹春場解
翅蓮花動猜群錦臆張

詠鷹

隋煬帝

遷朔欲之衡忽投尉羅裏既以羈華絆仍持獻君子青
骹固絕儔素羽誠難擬深目表茲稱闊臆斯為美驚獸
不及奔猜禽無暇起雖蒙鞞上榮無復凌雲志

賦得華亭鶴

一作賀澈

孔德紹

華亭失侶鶴乘軒寵遂終三山凌苦霧千里激悲風心
危白露下聲斷綵弦中何言斯物變翻復似遠東

賦得鴈

送周員外茂嶺表

王胄

旅鴈別衡陽天寒關路長行斷由驚箭聲嘶為犯霜懼
繳無人憫能鳴反自傷何如侶汎汎刷羽戲方塘

晚飛鳥

虞世基

向日晚飛低飛飛未得棲當為歸林遠恒長侵夜啼

詠死鳥

明餘慶

暮空長罷噪箭急不知驚賴餘琴裏曲猶有夜啼聲

園樹有巢鵲戲以詠之

魏澹

畏玉心常駭填河力已窮夜飛還繞樹朝鳴且向風知
來寧自伐識歲不論功早晚時應至輕舉一掛空

聽百舌鳥

李孝貞

煙銷上路靜漏盡禁門通好鳥從西苑流響入南宮
關既多緒變轉復無窮調驚時斷絕音繁有異同飲啄
歸承露飛鳴上別風未避王孫彈寧畏虎賁弓石渠皆
學府麟閣悉文雄不恡青泥印時尋白社中

前題

郭愔

聒聒鳴高樹弄音無常則借問聲何煩未俗不尚默

詠死牛

柳詈

一朝辭紺幘千里別黃河對衣徒下泣扣角詎聞歌

詠魚

岑德潤

劍影侵波合珠光帶水新蓮東自可戲安用上龍津

賦得高柳鳴蟬

王由禮

園柳吟涼久嘶蟬應序驚露下綏恒濕風高翅轉輕葉
踈飛更迴秋深響自清何言枝裡翳遂入蔡琴聲

翹張更賦煉彩響自青向青林野體道人蔡琴聲

園洲今燕火鴻鞞潮氣鬱平赫卧風高岐轉神葉

魏應璩高林賦

王由斷

險邊對爽谷雜我帶木蔭巖東自可爐安用土節

詩所第四十卷

五言古詩

百一詩

六首

魏應璩

下流不可處君子慎厥初名高不宿著易用受侵誣前者隳官去有人適我閭田家無所有酌醴焚枯魚問我何功德三人承明廬所占於此土是謂仁智居文章不經國筐篋無尺書用等稱才學往往見歎譽避席跪自陳賤子實空虛宋人遇周客慙媿靡所如
年命在桑榆東岳與我期長短有常會遲速不得辭斗酒多為樂無為待來茲室廣致凝陰臺高來積陽奈何季世人侈靡在宮牆飾巧無窮極土木被朱光徵求傾

四海雅意猶未康

子弟可不慎慎在選師友師友必長德中才可進誘
苟欲娛耳目快心樂腹腸我躬不悅歡安能慮死亾
茫茫九州內莫非帝者民民有忠信行莫非帝者臣
大魏承衰弊更欲密其羅虬蜉猶見得何云螭與蝦
狂既已備歛復置黃沙

前題

梁何遜

靈輒困桑下於陵拾李螬歷齒方嗟賤炙背豈知豪
傭畊乏旅力倚市憚劬勞曠日無豆飴方冬缺緼袍
清且開蓬華舉日想煎熬樞機慎僕隸媒蘖畏朋曹
萬途皆自僻一事豈他褒匆匆昨不定負杖出蓬蒿
逢施同壑壑值設乃糠糟生途稍冉冉逝水日滔滔
咸言等木石誰當出羽毛

賦得收淚卽長路

陳思王贈白馬王彪詩云收淚卽長路援筆從此辭卽一作就

宋南平王鑠

聳轡高陵曲揮袂廣川瀆黃塵昏白日悲風

一作荒塞起浮

雲蕭條萬里別契闊三秋分時往往從朝露年來驚夕氲
徘徊去芳節依遲從遠軍

落日窓中坐

謝朓贈王主簿詩云落日窓中坐紅粧好顏色

梁簡文帝

杏梁斜日照餘暉映美人開函脫寶釧向鏡理紈巾游
魚動池葉舞鶴散階塵空嗟千歲久願得及陽春

蓮舟買荷度

同庾肩吾賦

採蓮前岸隈舟子屢徘徊荷披衣可識風疎香不來欲
知船度處當看荷葉開

照流看落釵

同庾肩吾賦

相隨照綠水意是重涼風流搖粧影壞釵落髮花空佳
胡... 徒傷心不同

隴坻鴈初飛

高翔憚濶海下去怯虞機霧暗早相失沙明還共飛隴

仗朝聲聚風急暮行稀雖弭輪臺援未解龍城圍相思
不得返且寄別書歸

蘭澤多芳草

古詩云涉江採芙蓉蘭澤多芳草

元帝

春蘭本無艷一作絕春澤最歲蕤燕姬得夢罷尚書奏事
歸臨池影入浪從風香拂衣當門已芬馥入室更芳菲

蘭生不擇逕十步豈難稀

龍沙宵明月

侍宴賦

劉孝威

鵲飛空繞樹月輪殊未圓嫦娥望不出桂枝稍隱殘落
照移樓影浮光動塹澗樞馬悲笳吹城烏啼塞寒傳聞
機杼妾愁余衣服單當秋絡已脆銜啼織復難斂眉雖

不樂舞劍強為歡請謝函關吏行當封一丸

暮春和氣應

和蕭洗馬詠畫屏風詩下同張翰雜詩云暮春和氣應白日照園林一作

陽春發和氣

費昶

日靜班姬門風輕董賢館卷耳緣階出登墻喚蠶

女桂枝鈎遊童蘇合彈拂袖當留客相逢莫相難

秋夜涼風起

張協雜詩云秋夜涼風起清氣蕩暄

佳人在河內征夫鎮馬邑零露一朝溥中夜兩垂泣氣

爽牀帳冷天寒針縷澁紅顏本暫時君還詎相及

蕩婦高樓月

和蕭治中下同

王臺卿

空庭高樓月非復三五圓何須照牀裡終是一人眠

南浦別佳人

歛容送君別一歛無開時只應待相見還將笑解眉

蕩子行不歸

古詩云蕩子行不歸空牀難獨守不一作未

朱超道

坐樓愁出望息意不思春無奈園中柳寒時已報人提

梳羞理髮挑朱懶向脣何當上路晚風吹還騎塵

西遊咸陽中

阮籍咏懷詩云西遊咸陽中趙李相經過

陳陰鏗

上林春色滿咸陽遊俠多城斗疑連漢橋星象跨河影

裏看飛轂塵前聽遠珂還家何意晚無處不經過

名都一何綺

陸機擬古詩云名都一何綺城闕鬱盤桓

沈炯

名都一何綺春日吐光輝高樓雲母扇複殿琉璃扉昭

儀同輦出高安連騎歸欲知天子貴千門應紫微

前題

孔奐

京洛信名都佳麗擬蓬壺九華彫玳瑁百福上椒塗黃
金絡馭裏蓮花裝鹿盧咸言儀服盛無勝執金吾

前題

周弘正

名都宮觀綺金壁藻華璫吹臺望鳩鵲舞殿接披香繡
轂遊丹水彫輦出平陽陸離徒照眼何解憂人腸

起坐彈鳴琴

阮籍咏懷詩云夜中不能寐起坐彈鳴琴

江總

絲傳園客意曲奏楚妃情罕有知音者空勞流水聲

前題

一作爲琴彈鳴琴

沈炯

爲我彈鳴

一作清

琴琴鳴傷我襟半死無人見入竈始知

音空爲貞女引誰達楚妃心雍門何假說落淚自淫淫

前題

賀徹

薄暮高堂上調琴召美人伯喈聲未盡相如曲復新點
徽還轉弄亂爪更留賓聊持一弦響雜起艷歌塵

邊馬有歸心

王讚雜詩云朔風動秋草邊馬有歸心

沈炯

窮秋邊馬肥向塞甚思歸連鑣渡蒲海束舌下金微已
卻魚麗陣將摧鶴翼圍彌憶長楸道金鞭一作鞍背落暉

落落窮巷士

左思詠史詩云落落窮巷士抱影守空廬

張正見

楊雲不邀名原憲本遺榮草長三徑合花發四隣明塵

隨幽巷靜嘯逐遠風清門外無車轍自可絕公卿

薄帷鑒明月 阮籍詠懷詩云薄帷鑒明月清風吹我襟

長河上桂月澄彩照高樓分簾疑碎壁隔幔似垂鈞

外光恒滿帷 一作 中影暫流豈及西園夜長隨飛蓋遊

秋河曙耿耿 謝朓贈西府同僚詩云秋河曙耿耿寒者鬱蒼蒼

耿耿長河曙濫濫宿雲浮天路橫秋水星衡 一作 轉夜

流月下姮娥落風驚織女秋德星猶可見仙槎不復留

岸花臨水發 何遜贈諸遊舊詩云岸花臨水發江燕遶橋飛

奇樹滿春洲落葉映江浮影間蓮花石光涵濯錦流漾

色隨桃水飄香入桂舟別有仙潭菊含芳獨向秋

江湖汎別舟 別韋諒賦

千里潯陽岸三翼木蘭船鷁汎青鳧後雞鳴白鷺前

涵花沒淺纜帶葉動深船不言朝夕水獨自限神仙

垂柳映斜谿

千仞清溪險三陽弱柳垂葉細臨湍合根空帶石危風

翻夾浦絮雨濯倚流枝不分梅花落還同橫笛 一作 吹

風生翠竹裏 應教

金風起燕觀翠竹夾梁池翻花疑鳳下颺水似龍移帶

露依深葉飄寒入勁枝聊因萬籟響詎待伶倫吹

魚躍水花生

魚躍水花生

漾色桃花水相望濯錦流躍浦疑珠出依池似鏡浮凌
波銜落葉觸餌避沈鈞方遊蓮葉外詎入武王舟

寒樹晚蟬疎

寒蟬噪楊柳朔吹犯梧桐葉迴飛難住枝殘影共空聲
疎飲露後唱絕斷弦中還因搖落處寂寞盡秋風

謁帝承明廬

陳思王贈白馬王彪詩云謁帝承明廬逝將歸舊疆

江總

霧開仁壽殿雲繞承明廬輪停紺幟引馬度紅塵餘香
貂拜黻袞花綬拂玄除謁帝升清漢何殊入紫虛

携手上河梁

應詔李陵別詩云携手上河梁遊子暮何之

早秋天氣涼分手關山長雲愁數處黑木落幾枝黃鳥
歸猶識路流去不知鄉秦川心斷絕何悟是河梁

三五明月滿

古詩云三五明月滿四五蟾兔缺

三五兔輝成浮陰冷復輕隻輪非戰反團扇少歌聲雲
前來往色水上動搖明况復高樓照何嗟攬不盈

沉沉水中鳧

歸鳧沸卉同亂下芳塘中出沒時銜藻飛鳴忽颺風浮
深或不息戲廣若乘空春鸚徒有賦還笑在金籠

一日成三賦

應令

副君睿賞道清夜北園遊下筆成三賦傳觴對九秋飛

文綺縠采落紙波濤流樹密寒蟬響簷暗雀聲愁綠淑
明層殿青山照近樓此時盛禮物顧省良若抽

處處春雲生 謝朓望海詩云往往
孤山映處處春雲生 蔡凝

春色遍空明春雲處處生入風衣暫斂隨車蓋轉輕作
葉還依樹為樓欲近城含愁上對影似有別離情

採藥遊名山 郭璞遊仙詩云採藥
遊名山將以救年頽 劉刪

名山本鬱盤道士貴黃冠獨馭千年鶴來尋五色丸石
牀新溜乳金竈欲成丹定知無二價非復在長安

獨鶴凌雲去 一作劉那又作劉那

孤鳴思滄海矯翮避虞機怨別悽琴曲凌風散舞衣五

坐雖迴顧千年會欲歸寄語雷門鼓無復一雙飛

往往孤山映 謝朓詩見前 蕭詮

青山照落暉映遠望連飛仙峰看玉笥關路視金微鼓
吹聲疑盡香鑪烟覺稀共君臨水別勞此送將歸

待詔金馬門 何胥

漢家一統軌濟濟萬國朝飛纓拂曉霧輕輦逐晨飈槐
衢映綠絃日彩麗金貂此時叅待詔誰復想漁樵

白雲抱幽石 謝靈運始寧墅詩云白
雲抱幽石綠篠媚清漣 孔範

白雲浮遠蓋飄飄繞石飛帶蓮縈錦色拂鏡下仙衣陣
結香爐隱羅成玉女微能感荆王夢陽臺雜雨歸

涉江採芙蓉

古詩見前

祖孫登

浮照滿川漲芙蓉承落光人來問花影衣渡得荷香桂
舟輕不定菱歌引更長採採嗟離別無暇緝為裳

前題

隋孔德紹

蓮舟泛錦積極目眺江干沿流渡機易逆浪取花難有
霧疑川廣無風見水寬朝來採摘倦詎得久盤桓

微雨從東來

應教陶淵明讀山海經詩云微雨從東來好風與之俱

諸葛穎

微雨闇東峯散漫洒長松澗滿新流濁山霑積翠濃風
起還吹燕雲來本送龍登年隨玉燭名山定可封

好鳥鳴高枝

送劉員外賦陳思王公宴詩云滄魚躍清波好鳥鳴高枝

劉斌

春林已自好時鳥復和鳴枝交難奮翼谷靜易流聲間
關纔得性繪繳遽相驚安知背飛遠拂霧獨晨征

方塘含白水

劉楨雜詩云方塘含白水中有鳧與鴈

李巨仁

白水溢方塘森森素波揚疊浪輕鳧影連漪寫鴈行長
堤柳色翠夾岸荇花黃觀魚自有樂何必在濠梁

巖穴無結構

左思招隱詩云巖穴無結構丘中有鳴琴

王由禮

岩間無結構谷處極幽尋葉落秋巢迴雲生石路深早
梅香野徑清澗響丘琴獨有栖遲客畱連芳杜心

離合詩

宋謝靈運

古人怨信次日日眇未央加我懷繾綣口脉情亦傷劇
哉歸遊客處子勿相忘 別字

前題 二首

放棹遵遙塗方與情人別嘯歌亦何言肅爾凌霜節 各

夫人皆薄離二友獨懷古思篤子衿詩山 疑作 川何足

苦 念字

前題 夜集作

謝惠連

四坐宴嘉賓一客自遠臻九言何所戒十善故宜遵

前題

何長瑜

宜然悅今會且怨明晨別肴款不能甘有難不可雪

前題

賀道慶

促席宴閒夜足歡不覺疲詠歌無餘願永言終在斯 信

前題

齊王融

冰容慙遠鑒水質謝明暉是照相思夕早望行人歸 火

前題

石道慧

好仇華良夜子歡我亦欣昊穹出明月一坐感良晨 娛

前題

梁元帝

沈寥雲初 一作 淨水木備春光龕定方無遠合浦不難

航 寵字

前題

贈尚書令何敬容

蕭巡

伎能本無取支葉復單貧柯條謬承日木石豈知晨狗
馬誠難盡犬羊非易馴斃頓既不似學步孰能真寔由
紊朝典是日蠹彝倫俗化於茲鄙人塗自此分

何敬容字

前題

贈江藻

陳沈炯

開門枕芳野井上發紅桃林中藤蔦秀木末風雲高屋
室何寥廓至士隱蓬蒿故知人外賞文酒易陶陶友朋
足諧晤又此盛詩騷朗月同携手良京共含毫樂巴有
妙術言是神仙曹百年肆偃仰一理詎相勞

開居有樂

前題

一首

周庾信

秦青初變曲未有逐琴心明年花樹下月月來相尋
田家足閒暇士友暫流連三春竹葉酒一曲鴟鷄弦

春日

建除詩

宋鮑照

建旗出燉煌西討屬國羌除去徒與騎戰車羅萬箱滿
山又填谷投鞍合營牆平原亘千里旗鼓轉相望定舍
後未休候騎敕前裝執戈無暫頓彎弧不解張破滅西
零國生虜郅支王危亂悉平蕩萬里置關梁成軍入玉
門士女獻壺漿收功在一時歷世荷餘光開壤襲朱紱
左右佩金章閉帷草太玄茲事殆愚狂

前題

梁宣帝

建國惟神業十世本靈長除苛逾漢祖後后類殷湯滿
盈既虧度否運理還康平階今復覩德星行見祥定寇
資雄略靜亂屬賢良執訊窮郢魯弔伐徧徐揚破敵勳
庸盛佩紫且懷黃危苗既已竄妖沴亦云亾成功勒雲
社治定理要荒收戟歸農器牧馬恣蕩場開山接梯路
架海擬山梁閉慾同彭老延壽等東皇

前題

范雲

建國負東海衣冠成營丘除道梁淄水結駟登之罘滿
座咸嘉友蘋藻絕時羞平望極聊攝直視盡姑尤定交
無恒所同志互相求執手歡高宴舉白窮獻酬破琴豈
重賞臨濠寧再儔危生一朝露蠖蟻將見謀成功退不
處爲名自此收收名棄車馬單步反蝸牛開渠納秋水
相土播春疇閉門謝世人何欲復何求

前題

陳沈炯

建葦連鳳闕藹藹入雲烟除庭發槐柳冠劔似神仙滿
衢飛玉軼夾道躍金鞭平明塵霧合薄暮風雲騫定交
太學裏射策雲臺邊執事一朝謬朝市忽崩遷破家徒
狗國力弱不扶顛危機空履虎擊惡豈如鷓成師鑿門
去敗績暴尸旋收菟不入斗抱景問穹玄開顏何所說
空憶平生前閉門窮巷里靜掃詠歸田

數名詩

宋鮑照

一身仕關西家族滿山東二年從車駕齋祭甘泉宮三
朝國慶畢休沐還舊邦四牡曜長路輕蓋若飛鴻五侯
相餞送高會集新豐六樂陳廣坐組帳揚春風七盤起
長袖庭下列歌鍾八珍盈彫俎綺肴紛錯重九族共瞻
遲賓友仰徽容十載學無就善宦一朝通

前題

梁范雲

一鼓有餘氣矯勇正紛紜二廣無遺略雄虎自爲羣三
河尚擾攘楯櫓起積楹四巡駐青蹕瘞玉曠亭云五十
又舒旆旗幟日繽紛六郡良家子慕義輕從軍七獲美

前載克俊嘉昔聞八音佇繁律將以安司勳九命旣斯
復金璧固宜分十難康有道延首望卿雲

前題

虞羲

一去濠水陽連翩遠爲客二毛颯已垂家貧無所擇三
徑日荒踈遙人心不憚四豪不降意何事黃金百五日
來歸者朱輪竟長陌六郡輕薄兒追隨窮日夕七發動
音容賓從紛奕奕八表服英嚴光光滿墳籍九流意何
以守玄途成白十載職不移來歸落松栢

道里名詩

白潯陽至都作

宋謝莊

山經亟旋覽水牒劾敷尋稽榭誠淹畱煙臺信遐臨翔

州凝寒氣秋浦結清陰眇眇高湖曠遙遙南陵深青溪
如委黛黃沙似舒金觀道雷池側訪德茅堂陰魯顯闕
微迹秦良滅芳音訊遠博望崖採賦梁山岑崇館非陳
宇茂苑豈舊林

郡縣名詩

奉和竟陵王同沈約范雲賦

齊王融

追芳承荔浦揖道訊虛丘升裾臨廣牧從望盡平洲曾
山臨翠坂方渠緬清流陽臺翻早茂陰館懷名秋歲宴
東光弭景仄西華收端溪慙昔彥測水謝前脩往食曲
阜盛今屬平臺遊燕棠缺初雅鄭袞息遺謳久傾信都
美乃結茂陵儔河間誠可詠南海果難遊

前題

梁沈約

西都富軒冕南宮溢才彥高闕連朱雉方渠漸游殿廣
川肆河濟長岑繞嶠汧曲梁濟危渚平臯騁悠眇清淵
皎澄徹曾山鬱葱蒨陽泉濯春藻陰丘聚寒霰西華不
可留東光促奔箭望都遊子懷臨戎征馬倦既豫平章
集復齒南皮宴一窺長安城羞言杜陵掾

前題

范雲

撫戈金城外解珮玉門中白馬騰遠雪蒼松壯寒風臨
涇方辨渭安夷始和戎取禾廣田北驅獸飛狐東新城
多雉堞故市絕商工海西舟楫斷雲南煙霧通磬節疇

盛德宣力照武功還飲漁陽水歸一作應轉杜陵蓬

星名詩

齊王融

眇歎屬辰移端憂臨歲永久慙入漢客每愧遵河影仙
羽誠不退蓬襟良未整誰謂無正心大陵有霜穎

藥名詩

奉和竟陵王同沈約賦

重臺信嚴敞陵澤乃閒荒石蠶終未爾垣衣不可裳秦
芎留近詠楚蘅摺遠翔韓原結神草隨庭銜夜光

前題

梁沈約

丹草秀朱翹重臺架危岳木蘭露易飲射干枝可結陽
隰採辛夷寒山望積雪玉泉亟周流雲華乍明滅合歡

葉暮卷爵林聲夜切垂景迫連桑思仙慕雲埒荆實
丹瓶龍芻汗奔血照握乃夜光盈車非玉屑細柳空歲
蕤水萍終委絕黃符若可挹長生永昭哲

卦名詩

梁簡文帝

櫛比園花滿徑復水流新離禽時入袖旅谷乍依蘋豐
壺要上客鵠鼎命嘉賓車由泰夏闐馬散咸陽塵蓮舟
雖未濟分密已同人

藥名詩

朝風動春草落日照橫塘重臺蕩子妾黃昏獨自傷燭
映合歡被帷飄蘇合香石墨聊書賦鈇華試作粧徒令

惜萱草蔓延滿空房

奉和

元帝

戍客恒山下常思衣錦歸况看春草歇還見鴈南飛蠟燭凝花影重臺閉綺屏風吹竹葉袖網綴流黃機詎信金城裏繁露曉霑衣

奉和

庾肩吾

英王牧荆楚聽訟出池臺督郵稱蝗去亭長說烏來行塘朱鷺響當道赤帷開馬鞭聊寫賦竹葉暫傾杯

縣名詩

元帝

長陵新市北鄭衛好容儀先過上蘭苑還牽高柳枝薄

慈宜入鏡舒花堪照池蒲洲涵水色椒壁雜風吹此時方夜飲平臺傳羽卮

姓名詩

征人習水戰辛苦配戈船夜城隨偃月朝軍逐避年龍吟澈水渡虹光入夜圓濤來如陣起星上似烽然經時事南越還復討朝鮮

相名詩

仙人賣玉杖乘鹿去山林浮杯度池曲摩鏡徃河陰井內書銅板竈裏化黃金妻搵五明扇妾弄一絃琴暫遊忽千里中天那可尋

將軍名詩

虎旅皆成陣龍騎盡能踣鳴鞭俱破虜決勝往長榆細柳浮輕岸大樹繞栖烏樓船寫退鷁橋鳥狎飛鳧度河還自許偏與功名俱

歌曲名詩

一作金樂歌入樂府

啼鳥怨別偶曙鳥憶離家石闕題書字金燈飄落花東方曉星沒一作度西山晚日斜縠衫迴廣袖團扇掩輕紗暫借青驄馬來送黃牛車

針穴名詩

金椎五百里日晚唱歸來車轉承光殿步上通天臺釵

臨曲池影扇拂玉堂梅先取中庭入罷逐步廊一作那早閉人迎已復開

宮殿名詩

林間花欲然竹逕露初圓鬪鷄東道上走馬北場一作堂邊合歡依暝卷葡萄向日鮮旗亭覓張放香車迎董賢定隔天淵水相思夜不眠

屋名詩

梁園氣色和斗酒共相過玉柱調新曲畫扇掩餘歌深潭影菱菜絕壁挂輕蘿木蓮恨花晚薔薇嫌刺多含情戲芳節徐步待金波

車名詩

長墟帶江轉連甍映日分佳人坐椒屋接膝對蘭薰繞
砌縈流水邊梁圖畫雲錦色懸殊衆衣香遙出羣日暮
輕帷下黃金妾贈君

船名詩

天際浮雲飛三翼自相追池模白鵠舞檐知青雀歸華
淵通轉暫伏檻跨相磯松澗流星影桂窓斜月暉思君
此無極高樓淚染衣

鳥名詩

方舟去鵝鵠引欲相要晨鳧移去舸飛燕動歸橈雞

人憐夜刻鳳女念吹簫雀釵照輕幌翠的繞纖腰
朱鷺曲鉦管雜迴潮

獸名詩

豹韜求秘術虎略選良臣水涉黃牛浦山過白馬津摧
鋒上狐塞畫像入麒麟果下新花落桃枝芳樹春王孫
及公子熊席復橫陳

龜兆名詩

土膏春氣生倡女協春情魚遊連北水鵠作遼東鳴折
梅還插鬢盪柱更移聲銀燭含朱火金鑪對寶笙百枝
凝夕焰却月隱高城

樹名詩

趙李競追隨輕衫露弱枝
杏梁始東照柘火未西馳
香因玉釧動珮逐金衣
移柳葉生眉上珠璫
搖鬢垂逢君桂枝馬車下
覓新知

草名詩

胡王迎娉主塗經蒯北遊
金錢買含笑銀缸影梳頭
初控游龍馬仍移卷栢舟
中江離思切蓬鬢不堪秋
况度菖蒲海落月似懸鈎

百姓名詩

和陸慧曉

沈約

建都望淮海樹闕表衡稽
井榦風雲出栢梁星漢齊
皇

王臨萬宇惠化覃黔黎
吉士服仁義宿昔秉華圭
庸賢起幽谷欽言非象犀
端委康國步偃息召邦
擢舉政方分策易紀祭金
泥伊余沐嘉幸由是別園
畦曾微涓露答光景遂雲
西方隨煉丹子薄暮矯行
迷

州名詩

范雲

司春命初鐸青耦肆中樊
逸豫誠何事稻梁復宜敦
徐步遵廣隰冀以寫憂源
楊柳垂塲圃荆棘生庭門
交情久所見益友能孰存

星名詩

一作從軍行入樂府

陳張正見

將軍定期邊刁斗出祁連
高柳橫遙塞長榆接遠天
井

泉含凍竭烽火照山燃欲知客心斷危旌萬里懸

卦名詩

蓬萊遯羽客巖穴轉蒙籠雲歸仙井暗霧解石橋通影
帶臨峯鶴形隨襍雨風尋師不失路咸欲馭飛鴻

宮殿名詩

祖孫登

獨有相思意聊敞鳳皇臺蓮披香稍上月明光正來離
鵠一作鶴將雲散飛花似雪迴遙思竹林友前牕夜夜開

星名詩

隋辛德源

邊稜昏高柳燿火照離宮明堂發三令勾陳集五戎素
扇一作羽麾全月朱旗引半虹虎落驚氛斂龍城宿霧通

擊鐘張大樂置酒宴羣公關山無復阻車書方大同

六府詩

陳沈炯

水廣南山暗杖策出蓬門火炬村前發林煙樹下昏金
花散黃蕙蕙草襍芳蓀木蘭露漸落山芝風屢翻土膏
行已冒抱甕憶中園穀城定若近當終黃石言

和沈中丞炯

孔魚

金門朱軌躅吾子盛簪裾木舌無時用萍流復在余水
鄉訪松石蘭澤侶樵漁火洲方可至地肺卽爲居士牛
自知止貞心達毀譽穀稼有時隙乘楂望白榆

六甲詩

沈炯

王言古詩 卷四十一
甲拆開象果萬物具敷榮乙飛上危幕雀乳出空城丙
魏舊勳業申韓事刑名丁翼陳詩罷公綏作賦成戊巢
花已秀滿塘草自生巳乃忘懷客榮樂尚關情庚庚聞
鳥嘯肅肅望鳧征辛酸多憫惻寂寞少逢迎壬蒸懷太
古覆妙佇無名癸巳空施位詎以召幽貞

八音詩

金屋貯阿嬌樓閣起迢迢石頭足年少大道跨河橋絲
桐無緩節羅綺自飄飄竹煙生薄晚花色亂春朝匏瓜
詎無匹神女嫁蘇韶土地多妍冶鄉里足塵囂革年未
相識聲論動風飈木桃堪底用寄以答瓊瑤

十二屬詩

鼠迹生塵案牛羊暮下來虎嘯生疑作空谷兔月向
開龍隰遠青翠蛇柳近裴徊馬蘭方遠摘羊負始春裁
疑作猴栗羞芳果雞跡引清杯狗其懷物外猪蠹宵悠
哉

春遊迴文詩

一作賀道慶

齊王融

枝分柳塞北葉暗榆關東垂條逐絮轉落葉散花叢池
蓮照曉月慢錦拂朝風低吹雜綸羽薄粉艷粧紅離情
隔遠道歎結深閨中

後園作迴文詩

一作王融

梁元帝

斜峰繞徑曲聳石帶山連花餘拂戲鳥樹密隱鳴蟬

和湘東王

簡文帝

枝雲間石峰脉水浸山岸池清戲鵠聚樹秋飛葉散

奉和

邵陵王綸

燭華臨靜夜香氣入重幃曲度聞歌遠繁絃覺舞遲

奉和

北齊蕭祗

危臺出岫迥曲澗上橋斜池蓮隱弱芰徑篠落藤花

奉和

周庾信

早蓮生竭鑊嫩菊養秋隣滿池留浴鳥分橋上戲人

詠雪顛倒使韻

梁簡文帝

鹽飛亂蝶舞花落飄粉奩粉飄落花舞蝶亂飛鹽

雙聲詩

齊王融

園蘅眩紅蘼湖荇燁黃華迴鶴橫淮翰遠越合雲霞

問疾封中錄雙聲詩

周庾信

形骸違學宦狹巷幸為閒虹迴或有雨雲合又合寒橫

湖韻鶴下迴溪狹一作狹猿還懷賢為榮衛和緩惠綺紈

疑作何丸

四時詩

一云神情詩或作陶淵明

晉顧愷之

春水滿四澤夏雲多奇峯秋月揚明輝冬嶺秀寒松

前題

宋孝武帝

董茹一作茶 供春膳粟漿克夏餐胞醬調秋菜白醯解冬

寒

前題 一云四氣

王微

衡若首春華梧楸當夏翳鳴笙起秋風置酒飛冬雪

四色詠

齊王融

赤如城霞起青如松霧澈黑如幽都雲白如瑤池雪

前題 五首

梁范雲

丹如桓公廟青如夕郎門黑如南巖礪白如東山爓
折柳青門外握蘭翠疏中綠蘋騁春日碧渚澹時風
差池朱鷺去續翻赤鴈歸澆潯丹魚聚聯翻血鳥飛

素鱗颺北渚白水杜南苑獻環潤玉寒歸珠照瓊轅

烏林葉將實墨池水就乾玄豹藏暮雨黑猿凌夜寒

方圓動靜四字詠

隋釋曇延

方如方等城圓如智慧日動則識波浪靜類涅槃室

口字詠 和蔡黃門

陳沈炯

囂囂宮閣路靈靈谷口問誰知名器品語嘿各崎嶇

口問

隱士

詩所第四十一卷 五言古詩

隱士

魏阮瑀

四皓潛南岳老萊竄河濱顏回樂陋巷許由安賤貧伯夷餓首陽天下歸其仁何患處貧苦但當守明真

前題

一云留贈山中隱士

陳周弘讓

行行訪名嶽處處必留連遂至一巖裏灌木上叅天忽見茅茨屋曖曖有人煙一士開門出一士呼我前相看
不道姓焉知隱與仙

前題

二首和趙王第一首一作王

周庾信

鳧鵠均長短鵬鷃共逍遙清襟蘊秀氣虛席滿風飈斷

絃惟續葛獨酌止傾瓢菖蒲九重節桑薪七過燒
洛陽徵五隱東都別二賢雲氣浮函谷星光集潁川霸
陵採樵路一作徑成都賣卜錢鹿裘披稍裂藜牀坐欲穿
阮籍唯長嘯嵇康訝一弦澗險無平石山深足細泉短
松猶百尺少鶴已千年野鳥繁弦轉山花焰火然洞風
吹戶裡石乳滴窓前雖無亭長識終見野人傳

奉報窮秋寄隱士

王倪逢啗缺桀溺偶長沮藜床負日卧麥隴帶經鋤自
然曲木几無名科斗書聚花聊飼雀穿池試養魚小村
治澁路低田補壞渠秋水牽沙落寒藤抱樹踈空在平

原騎來過仲蔚廬

詠貧

魏應瑗

貧子語窮兒無錢可把撮耕自不得粟采彼北山葛簞
瓢恒自在無用相呵喝

前題

宋張望

荒墟人迹稀隱僻閭鄰闊葦籬自朽損毀屋正寥豁炎
夏無完絺玄冬無暖褐四體困寒暑六時疲饑渴營生
生愈瘁愁來不可割

前題

蕭璟

四時迭來往苦辛隨事迫三冬泣牛衣五月披裘客遲

遲春日永憂來安所適季秋授衣節荷裳竟不易班超
棄筆硯婁敬脫挽輓雖云丈夫志終涉自媒迹賢哉顏
氏子飲水常怡懌

前題

一云述山貧

袁伯文

傭滌倦閭閻耕牧憊松丘製荷依露壑寒若逗霜洲鬢
垂驚年素膚耗盈帶憂幸有深棲性幽山可以留

貧士

晉江道

華門不啓扉環堵蒙一作蒿藜空瓢覆壁下簞上自生
塵出門誰氏子憊哉一何貧

前題

七首

陶淵明

萬族各有託孤雲獨無依曖曖空中滅何時見餘暉朝
霞開宿霧衆鳥相與飛遲遲出林翮未夕復來歸量力
守故轍豈不寒與饑知音苟不存已矣何所悲

淒厲歲云暮擁褐曝前軒南圃無遺秀枯條盈北園傾
壺絕餘瀝闔竈不見烟詩書塞座外日晏不遑研閒居
非陳厄竊有愠見言何以慰吾懷賴古多此賢

榮叟老帶索欣然方彈琴原生納決履清歌暢高音重
華去我久貧士世相尋弊襟不掩肘藜羹常乏斟豈忘
襲輕裘苟得非所欽賜也徒能辯乃不見吾心

安貧守賤者自古有黔婁好爵吾不榮厚饋吾不酬一

且壽命盡弊服仍一作不周豈不知其極非道固無憂

從來將千載未復見斯儔朝與仁義生夕歿復何求

袁安困積雪邈然不可干阮公見錢入即日棄其官芻

藁有常溫採菖足朝餐豈不實辛苦所懼非饑寒貧富

當交戰道勝無戚顏至德冠邦閭清節映西關

仲蔚愛窮居遶宅生蒿蓬翳然絕交游賦詩頗能工舉

世無知者止有一劉龔此士胡獨然寔由罕所同介焉

安其業所樂非窮通人事固以一作拙聊得長相從

昔在黃子廉彈冠佐名州一朝辭吏歸清貧略難儔年

饑感仁妻泣涕向我流丈夫雖有志固為兒女憂庶孫

一晤歎腆贈竟莫酬誰云固窮難邈哉此前修

有會而作

序曰舊穀既沒新穀未登頗為老農而值年災日月尚悠為患未已登歲之功

既不可希朝夕所資烟火裁通旬日已來始念飢乏歲云夕矣慨然永懷今我不述後生何聞哉

弱年逢家乏老至

一作歲

更長饑菽麥實所羨孰敢慕甘

肥怒如亞九飯當暑厭寒衣歲月將欲暮如何辛苦悲

常善粥者心深恨蒙袂非嗟來何足吝徒沒空自遺斯

濫豈彼志固窮夙所歸餒也已矣夫在昔余多師

乞食

饑來驅我去不知竟何之行行至斯里叩門拙言辭主

人解余意遺贈副虛期一作豈談話終日夕觴至輒傾

卮一作杯情欣新知懽言詠遂賦詩感子漂母惠愧我非

韓才銜戢知何謝冥報以相貽

傷貧

一作朱异

梁朱超道

觸途皆可試惟貧獨未安窓開兩片月霜足一重寒藁

濕鋪牀冷荷脆補衣難若言為客易推劍與君彈

傷乞人

王僧孺

少年空扶轍白首竟填溝葦蓆何由足菽藿不能周自

顧非好乞行且欲包羞勞君款曲問冒此殷勤酬

詠老

魏應璩

壯面日澤長老顏色麤麤醜人所惡拔白自洗蘇

前題

阮瑤

白髮隨櫛墮未寒思厚衣四支易懈倦行步益踈遲常

恐時歲盡魂魄忽高飛自知百年後堂上生旅葵

前題

晉陸機

軟顏收紅藥玄鬢吐一作生素華冉冉逝將老咄咄奈老

何

前題

張載

氣力漸衰損鬢髮終以皓昔為春月華今為秋日草

前題

宋范泰

枉生竟何豫未云倏已老華髮飄悴容苦慮棲懷抱疇
昔少年時皆以歸大造

在江陵歎年傷老

鮑照

五難未易夷三命戒淵抱方瞳起松髓頰髮疑桂腦役
生良自休大患安足保開簾窺景夕備屬雲物好翾翾
燕弄風嫋嫋柳垂道池瀆亂蘋萍園援美花草節如驚
灰異零落就衰老

秋夕歎白髮

梁何遜

絲白不難染蓬生直易扶唯見一作星星鬢獨與眾中
殊昔年十四五率性頗廉隅直是安被褐非敢慕懷珠

何言志事晚疲拙嬰殊軀逢時乃倏忽失路亦斯須郊
郭勤二頃形體憇一廡涸蚌困魚目籠禽觸四隅宵長
壁立靜廓處謝懽愉月色臨窻樹蟲聲當戶樞飛蛾拂
夜火墜葉舞秋株逐物均乘鶴違俗等雙鳧故人倘未
棄求我谷之嶠

形影神

序曰貴賤賢愚莫不營營以惜生斯惑甚焉故極陳形影之苦言神辨自然以釋之

好事君子共取其心焉

晉陶淵明

天地長不沒山川無改時草木得常理霜露榮悴之謂
人最靈智獨復不如茲適見在世中奄去靡歸期奚覺
無一人親識豈相思但餘平生物舉目情悽洎我無騰

化術必爾不復疑願君取吾言得酒莫苟辭

右形贈影

存生不可言衛生每苦拙誠願游崑華邈然茲道絕與
子相遇來未嘗異悲悅憇蔭若暫乖止日終不別此同
既難常黯爾俱時滅身沒名亦盡念之五情熱立善有
遺愛胡可不自竭酒云能消憂方此詎不劣

右影答形

大鈞無私力萬物自森著人為三才中豈不以我故與
君雖異物生而相依附結托善惡同安得不相與三皇
大聖人今復在何處彭祖壽永年欲留不得住老少同
一死賢愚無復數日醉或能忘將非促齡具立善常所
欣誰當為汝譽甚念傷吾生正宜委運去縱浪大化中

不喜亦不懼應盡便須盡無復獨多慮

右神釋

和戴主簿

五月旦作

虛舟縱逸棹回復遂無窮發歲始俛仰星紀奄將中南
窓罕悴物北林榮且豐神淵寫時雨晨色奏景風既來
孰不去人理固有終居常待其盡曲肱豈傷冲遷化或
夷險肆志無宏隆卽事如已高何必升華嵩

和張常侍

歲暮作

市朝悽舊人驟驥感悲泉明旦非今日歲暮余何言素
顏歛光潤白髮一已繁濶哉秦穆談旅力豈未愆向夕
長風起寒雲沒西山厲厲氣遂嚴紛紛飛鳥還民生鮮

常在矧伊愁苦纏屢闕清醕至無以樂當年窮通靡攸
慮顛顛由化遷撫已有深懷履運增慨然

詠愁 一作王微

宋王微

自予抱羈思眇與日月長載離非宋遠誰謂河難航憂
隨積霖密慨因朗旭彰負之苦不勝卽之竟無方如彼
引鯤魚待盡守空梁天地豈私貧運至豈固當既悟非
形兆茲數詎可攘

忽不任愁聊示固遠

梁王僧孺

去秋客舊吳今春投故越淚逐東歸水心挂西斜月未
應歲貶顏直以憂殘髮

夜愁 示諸賓

簷露滴為珠池水合成璧萬行朝淚瀉千里夜愁積孤
帳閉不開寒膏盡復益誰知心眼亂看朱忽成碧

夜不得眠

劉孝綽

夜長愁反覆懷抱不能裁披衣坐惆悵當戶立徘徊風
音觸樹起月色度雲來夏葉依窻落秋花當戶開光陰
已如此復持憂自催

和兄孝綽

劉孝先

夜愁眠不安起望臺南端葉慘風聲異樓空月色寒笙
冷調簧數絃脆上琴難百年行詎幾萬慮坐相攢誰家

有明鏡暫借照心看

臥疾敘意

齊王秀之

貞悔不少期福極固難豫疾藥雖一途遂以千百慮景
仄念徂齡帶緩每危曙循躬既已茲况復歲將暮層冰
日夜多飛雲密如霧歸鴻互斷絕宿鳥莫能去輟我丘
中琴良由一嗟故隱淪迹有違宰官功未樹何用攬余
情恨恨此故路豈言勞者歌且曰幽人賦

和王長史秀之

謝朓

岬岫欵崇崖派別朝洪河兔園文雅盛章臺冠蓋多淵
襟眷睿岳燮贊動昨歌顧影慚駢服載筆旅江沱縞衣
分可獻琴言暖已和青臯向還色春潤視生波巖垂變
好鳥松上改陳蘿日與歲眇邈歸恨積一作蹉跎願緝
吳山杜寧袂楚池荷清風豈孤劭功遂懷曾阿勿藥良
有暢荏苒芳未過幸留清尊味言藉故田莎

在郡臥病

呈沈尚書

淮揚股肱守高臥猶在茲况復南山曲何異幽棲時連
陰盛農節臺笠聚東菑高閣常晝掩荒堦少諍辭珍簟
清夏室輕扇動涼颼嘉魴聊可薦綠蟻方獨持夏李沈
朱實秋藕折輕絲良辰竟何許夙昔夢佳期坐嘯徒可
積爲邦歲已暮弦歌終莫取撫机令自嗤

酬謝宣城眺

梁沈約

王喬飛鳧舄東方金馬門從宦非宦侶避世不避諠揆

予發皇鑒

一作覽

短翮屢飛翻晨趨朝

一作游

建禮晚沐臥

郊園賓至下塵榻憂來命綠尊昔賢侔時雨今守馥蘭

蓀神交疲夢寐路遠隔思存牽拙謬東汜浮情反西崑

顧循良菲薄何以儷瓊璠將隨渤澥去刷羽汎清源

和紀參軍服散得益

謝朓

金液稱九轉西山歌五色鍊質乃排雲濯景終不測雲

英亦可餌且駐羲和力能令長卿臥暫故遇真識

臥疾

梁簡文帝

沈疴類弩影積弊似河魚詎逢龍子浴空歎楚王薤

奉和

劉孝威

玉躬耗寒暑羣望崇珪璧仁祀盛黃縑禮壇優紺席憊

均楚疾愈俄同宋年益豈勞誦賦臣寧用觀濤客

喜疾瘳

簡文帝

朝窓猶掩扇宿幔未懸鈎逍遙臨四注兼持散九愁雖

同衛子憊聊喜摯生瘳災星夜出境鳴禽晚去樓蠲邪

無賈鵬祆氣息梁牛隔簾陰翠篠映水含珠榴丹經蘊

玉笥玄水出長洲結友尋方岳採藥訪圓丘神隨七星

變貌逐五雲留飛鴻若可駕輕簪必易抽

和左丞庾杲之病

沈約

歲暮豈云聊參差憂與疾匪澣孰能賜持身固無迷握
蘭空盈把待漏終不溢鄙喧滿眼前簿領紛盈膝安用
談天辯徒勞夢賜筆挂冠若東都山林寧復出

秋雨臥疾

劉孝綽

賈君徃役少潘生民務稀及此同多暇高臥掩重闈寂
寂桑榆晚滂沱晷不晞電隙時光帳風簾乍一作扉

歲晚沉痾

朱超道

風將夜共靜空與月俱明燭滴龍猶伏鑪開鳳欲驚葉
飛林失影冰合澗無聲太息興牀念寧敢離衣行唯畏

殘藤盡不聞桴鼓鳴

臥疾窮愁

周庾信

危慮風霜積窮愁歲月侵留蛇常疾首映弩屢驚心雅
川求藥錄君平問卜林野老時相訪山僧或見尋有菊
翻無酒無弦則有琴詎知長抱膝獨爲梁父吟

臥疾聞越述淨名意

序曰余臥疾聞海彌留旬朔善友願法師勸余以淨名妙

典調伏身心力疾粗陳其意敬簡法師云爾

隋王胄

客行萬餘里眇然滄海上五嶺常炎鬱百越多山瘴兼
以勞形神遂此嬰疲恙桐雷邈已遠砭石良難訪抱影
私自憐霑襟獨惆悵毗城有長者生平夙所尚復藉大

五言古詩 卷四十一
因緣勉以深迴向心路資調伏於焉念實相水沫本難
摩訶城空有狀是生非至理是我皆虛妄求之不可得
誰其受業障信矣大醫王茲力誠難量

不購鉢盂

詩所第四十二卷

五言古詩

諸人共講老子

晉湛方生

吾生幸凝湛智浪紛競結流宕失真宗遂之弱喪轍雖
欲反故鄉埋翳歸途絕滌除非玄風垢心焉能歇大矣
五千鳴特爲道喪設鑒之誠水鏡塵穢皆朗徹

讀山海經

十三首

陶淵明

孟夏草木長遶屋樹扶疎衆鳥欣有託吾亦愛吾廬旣
耕亦已種時還讀我書窮巷隔深轍頗迴故人車歡言
一作然 酌春酒摘我園中蔬微雨從東來好風與之俱汎
覽周王傳流觀山海圖俯仰終宇宙不樂復何如

玉臺凌霞秀王母怡妙顏天地共俱生不知幾何年靈
化無窮已館宇非一山高酣發新謠寧向俗中言

迢遞槐江嶺是謂玄圃丘西南望崑墟光氣難與儔亭
亭明玕照落落青瑤流恨不及周穆託乘一來游

丹木生何許迺在崑山陽黃花復朱實食之壽命長白
玉凝素液瑾瑜發奇光豈伊君子寶見重我軒黃

翩翩三青鳥毛色奇可憐朝為王母使暮歸三危山我
欲因此鳥具向王母言在世無所須惟酒與一作但長

年
逍遙蕪臯上杳然望扶木洪柯百萬尋森散覆暘谷靈

人侍丹池朝朝為日浴神景一登天何幽不見燭

粲粲三珠樹寄生赤水陰亭亭凌風桂八榦共成林靈
鳳撫雲舞神鸞調玉音雖非世上寶爰得王母心

自古皆有沒何人得靈長不死復不老萬歲如平常赤
泉給我飲負丘足我糧方與三辰游壽考豈渠央

夸父誕宏志乃與日競走俱至虞淵下似若無勝負神
力既殊妙傾河焉足有餘迹寄鄧林功竟在身後

精衛銜微木將以填滄海刑天舞干戚猛志故常在同
物既無慮化去不復悔徒設在昔心良晨詎可待

巨猾肆威暴欽馭違帝旨窳窳強能變祖江遂獨歿明

五言古詩 卷四十二 二
明上天鑒爲惡不可履長枯固已劇鷓鴣豈足恃
鷓鴣見城邑其國有放士念彼懷王世當時數來止青
丘有奇鳥自言獨見爾本爲迷者生不以喻君子
巖巖顯朝市帝者慎用才何以廢共繇重華爲之來仲
父獻誠言姜公乃見猜臨沒告饑渴當復何及哉

齋中讀書

宋謝靈運

昔余遊京華未嘗廢丘壑矧乃歸山川心跡雙寂寞虛
館絕諍訟空庭來鳥雀卧疾豐暇豫翰墨時間作懷抱
觀古今寢食展戲謔旣笑沮溺苦又哂子雲閣執戟亦
以疲耕稼豈云樂萬事難並歡達生幸可託

命學士講書

臥病同淮陽宰邑曠武城弦歌愧言子清淨謝伏生古
人不可攀何以報恩榮時往歲易周聿來政無成曾是
展予心招學講羣經鑠金旣云刃凝土亦能型望爾志
尚隆遠嗣竹箭聲敢謂荀氏訓且布一作蘭陵情待罪
豈久期禮樂俟賢明

讀書

謝惠連

賁園奚足慕下帷故宜遵山成由一簣崇積始微塵虞
軒雖眇莽顏隰亦何人

講易

鮑照

雲澤翔羽姬橫蓋招益人賁園無金尚履道易書紳

抄衆書

應司徒教

齊王融

說禮固多才惇詩信爲善巖笥發仙華金滕開碧篆

和竟陵王抄書

梁沈約

教微因弛轡維峻屬貞期義乖良未遠斯文煥在茲超
河綜絕禮冠楚綴淪詩披滕辨蠹冊酌醴訪深疑澄流
黜徃性泛畧引前滋漢壁含遺篆名山多逸詞綠編方
委閣素簡日盈輜空幸參鴛鷺比秀慙瓊芝挹流旣知
廣復道還白噓

撰孔子正言竟述懷詩

梁武帝

志學耻傳習弱冠闕師友愛悅夫子道正言思善誘
才起實沈殺青在建酉孤陋乏多聞獨學少擊叩仲冬
寒氣嚴霜風折細柳白水凝澗谿黃落散堆阜康哉信
股肱惟聖歸元首獨歎予一人端然無四友

厲吏人講學

任昉

暮燭迫西榆將落誠南畝曰余本疎惰頽暮積榆柳踐
境渴師臣臨政欽益友盱食願橫經終朝思擁帚雖欣
辨蘼艾何用闢蒿莠

和劉明府觀湘東王書

庾肩吾

陳王擅書府河間富典墳五車方累篋七閣自連雲松

五言古詩 卷四十一
槩芳帙氣栢燠起厨文羽陵青簡出媯泉綠字分方因
接遊聖暫得奉朝聞峯樓霞早發林殿日先曛洛城復
接限歸軒畏後羣

借劉太常說文

陳江總

劉棻慕子雲許慎詢景伯碩學該蟲篆竒文秀鳥跡曰
余徒下帷待問垂重席不詣王充市聊投班玩籍三寫
徧鑽研六書多補益幽居服藥餌山宇生虛白留連嗣
芳杜曠蕩依泉石夫君愛滿堂願言馳下澤

預麟趾殿校書和劉儀同

周庾信

止戈興禮樂修文盛典謨壁開金石篆河浮雲霧圖芸
香上延閣碑石向鴻都誦書徵博士明經拜大夫壁池
寒水落學市舊槐疎高譚變白馬雄辯塞飛狐月落將
軍樹風驚御史烏子雲猶汗簡温舒正削蒲連雲雖有
閣終欲想江湖

述酒

晉陶淵明

重離照南陸鳴鳥聲相聞秋草雖未黃融風久已分素
礫晶脩渚南嶽無餘雲豫章抗高門重華固靈墳流淚
抱中歎傾耳聽司晨神州獻嘉粟西靈爲我馴諸梁董
師旅芊勝喪其身山陽歸下國成名猶不勤卜生善斯
牧安樂不爲君平王去舊京峽中納遺薰雙陵甫云育

三趾顯奇文王子愛清吹日中翔河汾朱公練九齒間
居雜世紛綦綦西嶺內偃息常所親天容自永固彭殤
非等倫

連雨獨飲

運生會歸盡終古謂之然世間有松喬於今定何聞故
老贈余酒乃言飲得仙試酌百情遠重觴忽忘天天豈
去此哉一作天際任真無所先雲鶴有奇翼八表須臾
還顧我抱茲獨僂俛四十年形骸久已化心在復何言

飲酒

二十首序曰余閒居寡歡兼此夜已長偶有
名酒無夕不飲顧影獨盡忽焉復醉既醉之
後輒題數句自娛紙墨遂多辭無詮次聊命故
人書之以為權笑爾

衰榮無定在彼此更共之邵生瓜田中寧似東陵時
暑有代謝人道每如茲達人解其會一作趣逝將不復疑
忽與一觴酒日夕懽相持

積善云有報夷叔在西山善惡苟不應何事立空言九
十行帶索饑寒况當年不賴固窮節百世當誰傳
道喪向千載人人惜其情有酒不肯飲但顧一作願世間
名所以貴我身豈不在一生一生能復幾條如流電驚
鼎鼎百年內持此欲何成

栖栖失羣鳥日暮猶獨飛徘徊無定止夜夜聲轉悲厲
響思清遠去來何依依自值孤生松斂翮遙來歸勁風

五言古詩 卷四十一 九
無榮木此蔭獨不衰托身已得所千載不相違

結廬在人境而無車馬喧問君何能爾心遠地自偏採
菊東籬下悠然見南山山氣日夕佳飛鳥相與還此中
有真意欲辨已忘言

行止千萬端誰知非與是是非苟相形雷同共譽毀三
季多此事達士似不爾咄咄俗中惡且當從黃綺

秋菊有佳色裊露掇其英汎此忘憂物遠我遺世情一
觴雖獨進杯盡壺自傾日入羣動息歸鳥趨林鳴嘯傲
東軒下聊復得此生

青松在東園衆草沒奇一作其姿凝霜殄異類卓然見高

夜連林人不覺獨樹衆乃奇提壺挂一作撫寒柯遠望

復爲吾生夢幻間何事繼塵羈

清晨聞叩門倒裳往自開問子爲誰歟田父有好懷壺
漿遠見候疑我與時乖縑縷茅簷下未足爲高栖一世
皆尚同願君汨其泥深感父老言稟氣寡所諧紆轡誠
可學違已詎非迷且共歡此飲吾駕不可回

在昔曾遠遊直至東海隅道路迥且長風波阻中塗此
行誰使然似爲饑所驅傾身營一飽少許便有餘恐此
非名計息駕歸閒居

顏生稱爲仁榮公言有道屢空不獲年長饑至於老雖

五言古詩 卷四十一 七
留身後名一生亦枯槁
歿去何所知稱心固爲好
客養千金軀臨化消其寶
裸葬何必惡人當解意表

長公曾一仕壯節忽失時
杜門不復出終身與世辭
仲理歸大澤高風始在茲
一往便當已何爲復狐疑
去去當奚道世俗久相欺
擺落悠悠談請從余所之

有客常同止趣舍邈異境
一士長獨醉一夫終年醒
醒醉還相咲發言各不領
規規一何愚兀傲差若穎
寄言酣中客日沒燭當炳
一作秉

故人賞我趣挈壺相與至
班荆坐松下數斟已復醉
父老雜亂言觴酌失行次
不覺知有我安知物爲貴
悠悠

迷所留酒中有深味

貧居乏人工灌木荒余宅
班班有翔鳥寂寂無行跡
宇宙一何悠人生少至百
歲月相催逼鬢髮早已白
若不委窮達素抱深可惜

少年罕人事游好在六經
行行向不惑淹留遂無成
竟抱固窮節饑寒飽所更
弊廬交悲風荒草沒前庭
披褐守長夜晨雞不肯鳴
孟公不在茲終以翳吾情

幽蘭生前庭含薰待清風
清風脫然至見別蕭艾中
行行失故路任道或能通
覺悟當念還鳥盡廢良弓

子雲性嗜酒家貧無由得
時賴好事人載醪祛所惑
觴

五言古詩 卷四十二
來爲之盡是詔無不塞有時不肯言豈不在伐國仁者
用其心何嘗失顯默

疇昔苦長饑投耒去學仕將養不得節凍餒固纏已
是時向立年志意多所耻遂盡介然分終歿歸田里
冉冉星氣流亭亭復一紀世路廓悠悠楊朱所以止
雖無掉金事濁酒聊可恃

羲農去我久舉世少復真汲汲魯中叟彌縫使其淳
鳳鳥雖不至禮樂暫時新洙泗輟微響漂流逮狂秦
詩書復何罪一朝成灰塵區區諸老翁爲事誠殷勤
如何絕世下六籍無一親終日馳車走不見所問津
若復不快

飲空負頭上巾但恨多謬誤君當恕醉人

止酒

居止次城邑逍遙自閒止坐止高蔭下步止葦門裏
好味止園葵大懼止稚子平生不止酒止酒情無喜
暮止不安寢晨止不能起日日欲止之營衛止不理
徒知止不樂未知止利已始覺止爲善今朝真止矣
從此一止去將止扶桑浹清顏止宿容奚止千萬祀

酒後

宋鮑照

晨節無兩淹年意不俱處自非羽酌歡何用慰愁旅

有喜致醉

周庾信

五言古詩 卷四十一 九
忽見庭生玉聊欣蚌出珠
蘭芬猶載寢蓬箭始懸弧
既喜枚都尉能歡陵大夫
頻朝中散客連日步兵厨
襍曲隨琴用殘花聽酒須
脆梨裁數實甘查唯一株
兀然已復醉搖頭歌鳳雛

春日極飲

檻前聞鳥轉園裡對花開
就中言不醉紅袖捧金杯

對酒

數杯還已醉風雲一作春風不復知
唯有龍吟笛桓伊能獨吹

暮秋野興賦得傾壺酒

劉伶正捉酒中散欲彈琴
但使逢秋菊何須就竹林

高齋視事

齊謝朓

餘雪映青山寒霧開白日
曖曖江村見離離海樹出披
衣就清盥憑軒方秉筆列俎
歸單味連駕止容膝空爲大
國憂紛詭諒非一安得掃蓬
逕鎖吾愁與疾

冬日晚郡事隙

案牘時閒暇偶坐觀卉木
颯颯滿池荷條條蔭牕竹
簷隙自周流房櫳閒且肅
蒼翠望寒山崢嶸瞰平陸
已惕慕歸心復傷千里目
風霜旦夕甚蕙草無芬馥
云誰美笙簧孰是厭邁軸
願言稅逸駕臨潭餌秋菊

賦貧民田

假遇一作佳譽非將迎靖共一作靜拱延殊慶中歲歷三臺旬月

典邦政曾是共治情敢忘卹貧病將無富教禮孰有知

方性敦本抑工商均業省兼并察壤見泉脉覘星視農

正黍稷緣高殖稱一作稅稌卽甲盛舊埒新塍分青苗白

水映遙樹匝清陰連山周遠淨卽此風雲佳孤觴聊可

命旣微三載道庶藉兩岐詠俾爾倉廩實余從谷口鄭

治西湖

梁范雲

史氏導漳水西門溉河潮圖始未能悅克終良可要擁

鋪勸年首提爵勞春朝平臯草色嫩通林鳥聲嬌已集

於池鶩行蔣新田苗何吁畚築苦方驩魚稻饒

和湘東王理訟

劉孝綽

馮翊亂京兆廣漢欲兼治豈若兼邦牧朱輪褰素帷淮

海封畿地雜俗良在茲禁姦槌兩馭黠震豺狸

觀田報王永興

重門寂已暮案牘罷囂塵輕涼生筍席微風起扇輪浮

瓜聊可貴溢酒亦成瓊復有寒泉井兼以瑩心神睠彼

忘言客閒居伊洛濱顧已慙困地徒知薑桂辛但願崇

明德無謂德無鄰

忝在司水看治渭橋

周庾信

大夫叅下位司職渭之陽富平移鐵鎖一作鎖柱甘泉運石
梁跨虹連絕岸浮龜續斷航春洲鸚鵡色流水桃花香
星精逢漢帝釣叟值周王平隄石岸直高堰柳陰長羨
言杜元凱河橋獨舉觴

和庾司水修渭橋

王褒

東流仰天漢南渡似牽牛長堤通甬道飛梁跨造舟使
者開金堰太守擁河流廣陵候濤水荆峽望陽侯波生
從故舶沙漲湧新洲天星識辯對檢玉應沈鈞空悅浮
雲試非復採蓮謳

庚戌歲九月中於西田穫早稻

晉陶淵明

人生歸有道衣食固其端孰是一作云都不營而以求自

安開春理常業歲功聊可觀晨出肆微勤日入負耒一作

禾還山中饒霜露風氣亦先寒田家豈不苦弗獲辭此

難四體誠乃疲庶無異患干盥濯息簷下斗酒散襟顏

遙遙沮溺心千載乃相關但願長如此躬耕非所嘆

丙辰歲八月中於下潁田舍穫

貧居依稼穡戮力東林隈不言春作苦常恐負所懷司
田眷有秋寄聲與我諧饑者懽初飽束帶候鳴鷄揚楫
越平湖汎隨清壑迴鬱鬱荒山裏猿聲聞且哀悲風愛
靜夜林鳥喜晨開日余作此來三四星火頽姿年逝已

老其事未云乖遥謝荷篠翁聊得從君栖

觀北湖田收 應詔

宋顏延之

周御窮轍跡夏載歷山川蓄軫豈明懋善遊皆聖仙帝
暉膺順動清蹕巡廣塵樓觀眺豐穎金駕映松山飛奔
互流綴緹縠代廻環神行埒浮景爭光溢中天開冬春
徂物殘悴盈化先陽陸團精氣陰谷曳寒煙攢素旣森
藹積翠亦葱芊息饗報嘉歲通急戒無年温渥浹輿隸
和惠屬後筵觀風久有作陳詩愧未妍疲弱謝凌遽取
累非纏牽

種桑

謝靈運

詩人陳條柯亦有美攘剔前修爲誰故後事資紡績
侃知方誠愧微富教益浮陽驚嘉月藝桑迨閒隙疎欄
發近郭長行達廣場曠流始誌泉涸塗猶跬跡俾此將
長成慰我海外役

田南樹園激流植援

樵隱俱在山由來事不同不同非一事養病亦園中中
園一作中屏氛雜清曠招遠風卜室倚北阜啓扉向南江
激澗代汲井插槿當列墉羣木旣羅戶衆山亦當一作對
窓靡迤趨下田一作岫迢遞瞰高峯寡欲不期勞卽事罕
人功唯開蔣生逕永懷求羊蹤賞心不可忘妙善異能

同

觀圃人藝植

鮑照

善賈笑蠶漁巧宦賤農牧遠養遍關市深利窮海陸乘
輶實金羈當墟信珠服居無逸身伎安得坐梁肉徒承
屬生幸政緩吏平睦春畦及耘藝秋場早芟築澤閱既
繁高山營又登熟抱鋪壠上餐結茅野中宿空織已尚
淳寧知俗翻覆

戊申歲六月中遇火

晉陶淵明

草廬寄窮巷甘以辭華軒正夏長風急林一作鄰室頓燒
燔一宅無遺宇舫舟蔭門前迢迢新秋夕亭亭月將圓

果菜始復生驚鳥尚未還中宵竚遙念一盼周九天總
髮抱孤念奄出四十年形跡憑化往靈府長獨閒貞剛
自有質玉石乃非堅仰想東戶時餘糧宿中田鼓腹無
所思朝起暮歸眠既已不遇茲且遂灌西一作戎園

見賣玉器者

或人欲買疑其是珉不肯成市聊作此詩以戲買者

宋鮑照

涇渭不可襍珉玉當早分子寶舊楚客蒙俗謬前聞安
知理孚采豈識質明温我方歷上國從洛入函轅揚光
十貴室馳譽四豪門竒聲振朝邑高價服鄉村寧能與
爾曹瑜瑕稍辨論

看放市

梁庾肩吾

旗亭出御道遊日暫迴車既非隨舞鶴聊思索枯魚懸
龜識季主勝酒見相如日中人已合黃昏故未踈

遠看放火

風前細塵起月裏黑烟生發燄看喬木侵光識遠城

觀釣

陳陰鏗

澄江息晚浪釣侶柁輕舟絲垂遙濺水餌下暗通流歌
聲時斷續檝影乍橫浮寄言濯纓者滄浪終滯游

詩所第四十二卷

終

